



每一个初夏

骄阳下的月季花

都会开出浪漫的**多巴胺色彩**



图/樊民宁

文/王相雷

月季花赋

盖闻玄穹毓秀，地脉钟灵。百花争艳于时序，万木竞荣于岁更。独月季挺然拔萃，卓立群英；标奇领异，迥出芳蘅。以四时递绽而称“月月红”，彰其华晔；因累岁常新而号“长春花”，显其姿清。实乃天地菁英所聚，阴阳灵秀所凝。

其色也，赤若丹霞映日，炽情满腔；白似霜凝瑞雪，素洁孤芳；黄如金缀晨露，熠熠生光；粉若桃腮带醉，脉脉含香。瓣瓣相衔，参差成象。或似宝莲叠翠，或如云锦翻浪，尽展造化之奇工，天成之妙相。

至若其质性，坚韧非常。凌霜傲雪，敢与寒梅争俏；冒暑披炎，能同芙蕖竞芳。不避贫瘠之壤，宁安僻陋之疆。茎挺棱棱，刺芒隐护，若甲士执锐，卫其娇妆；叶翻郁郁，疏密得宜，似翠羽流碧，衬其容光。花开花谢，循环无已；月新月绽，岁复岁昌。坚韧之操，昭昭于世；不拔之志，皎皎而彰。

园林布景，价值琳琅。植于花坛，攒英聚彩，绘就韶光长卷；布于路旁，错落参差，裁成四季霓裳；栽之庭院，独绽一隅幽芳。制为盆景，缩乾坤于咫尺，纳万象于盆盎；剪作琼枝，入花篮而增韵，成花束以寄肠。更兼攀援之性，巧饰回廊，蜿蜒架上，缀锦墙垣，寻常庭院，顿化蓬莱仙乡。

吾尝徜徉芳圃，瞻其丽容；细嗅清芬，感其衷肠。月季者，不矜国色，自蕴天香。无牡丹之娇贵，有松柏之韧强。伴藜藿而弗卑，处金谷而未亢。布衣可亲，雅士共赏。嗟乎！虽无倾国之姿，别有经年之秀；纵少惊天之色，独特旷世之长。